



SAKSPAPIR

Saksnr	Utval	Type	Dato
89/2017	Formannskap/plan- og økonomiutvalet	PS	27.11.2017
	Kommunestyret	PS	

Sakshandsamar	Arkiv	ArkivsakID
Åse Elin Myking	FE - 151	17/737

INTERKOMMUNAL LEGEVAKT - BUDSJETT 2018

Vedlegg:

Utkast til budsjett 2018 IKL (4)

Rådmannen sitt framlegg til vedtak:

Formannskapet ber Voss kommune vurdere budsjettet for interkommunal legevakt på nytt og legge fram eit revidert budsjettframlegg innafor ei ramme på 5% vekst. Revidert framlegg må leggest fram i til kommunestyret si behandling i desember.

Formannskap/plan- og økonomiutvalet - Sak 89/2017

FPØ - Behandling:

Rådmannen orienterte.

Tilleggsframlegg frå Kjartan Haugsnes, SV:

Nytt punkt 2.

Formannskapet ber administrasjonen kontakte kommunane Bergen, Osterøy, Kvam og Samnanger om moglegheitene for å etablere ei felles interkommunal legevakt i Arna saman med Vaksdal kommune.

Framlegget vart i møtet endra til følgjande:

Formannskapet vil støtte opp prosessen med å få etablert ei felles legevaktordning saman med Samnanger, Osterøy og Kvam i Arna.

Røysting:

Rådmannen sitt framlegg vart samrøystes vedteke.

Tilleggsframlegget frå Kjartan Haugsnes vart samrøystes vedteke.

FPØ - Vedtak:

Formannskapet ber Voss kommune vurdere budsjettet for interkommunal legevakt på nytt og legge fram eit revidert budsjettframlegg innafor ei ramme på 5% vekst. Revidert framlegg må leggest fram i til kommunestyret si behandling i desember.

Formannskapet vil støtte opp prosessen med å få etablert ei felles legevaktordning saman med Samnanger, Osterøy og Kvam i Arna.

Saksopplysningar:

Bakgrunn

Vaksdal har fått tilsendt framlegg til budsjett 2018 for Interkommunal legevakt 2018 på Voss (IKLV). I samsvar med vertskommuneavtalen skal kommunestyra i samarbeidskommunane vedta budsjettet for IKLV. Dersom dei ikkje vert samde vert pris- og lønsvekst justert budsjett gjeldande for neste år.

Frå avtalen:

- 17. *Budsjett*
- 17.2 *Investeringar og auka driftsutgifter utover normal løns- og prisjustering skal vere godkjent av Samarbeidsutvalet for å kunne innarbeidast i budsjettutkastet.*
- 17.3 *Det er deltakarkommunane som vedtek Voss interkommunale legevakt sitt budsjett. Budsjettet er gyldig når det er vedteke av alle kommunane sine kommunestyre.*
- 17.4 *Dersom kommunestyra ikkje blir samde om årsbudsjett for komande år, leggast inneverande årsbudsjett, justert for verknad av lønsoppgjøret og prisstiging (statsbudsjettets føresetnader), som budsjett for komande år.*

Vertskommunen Voss la fram budsjettet på møte i samarbeidsutvalet i haust. Budsjettframlegget aukar mykje utover venta løns- og prisvekst for 2018 på 2,6%, til dels mykje for einskilde postar: legeløner på 13,7%, administrasjon 71% (auka løn legevaktssjef og ny 20% stilling), legevaktstasjon 9%, samla utgjør auken 13,6% i hovudsak på løn.

I tillegg er grunnlaget for Kvam herad redusert med 400.000 med den konsekvens at kostnaden aukar for andre kommunar. Med denne endringen er auken i budsjettforslaget 14,8%.

Vaksdal sin representant i samarbeidsutvalet kunne ikkje støtte dette forslaget. Rådmann har førespurt Voss kommune om forslag til tiltak for å redusere denne store auken, dette har ikkje ført fram.

I budsjettframlegget frå Voss er skisserte endringar med og budsjettet vert no behandla i politisk i kommunane. Budsjettet ligg vedlagt.

Vurdering

Det er urovekkande at vertskommunen legg fram eit budsjettframlegg med så stor auke, særleg etter berre eitt driftsår. Det kan tyde på at vertskommunen sitt forarbeid til interkommunal legevakt med omsyn til kostnader var for dårleg sjølv om etableringsprosessen var langdryg. For kommunane som fekk monaleg auke i kostnadane ved etablering av IKLV er dette særst uheldig.

Rådmann er av den meining at vertskommunen ikkje har gjort tilstrekkeleg for å redusere kostnader for å saldere budsjettet før framlegg til kommunane. Den høge lønsveksten og auke i stillingar bør vurderast. Endringane i fordelingane mellom kommunane pga Kvam er etter vår vurdering ikkje i samsvar med vertskommuneavtalen.

Rådmann vil tilrå at Voss kommune vurderer budsjettet på nytt og legg fram eit revidert budsjettframlegg innan ei ramme på 5% vekst. Det er framleis ein god vekst godt over løns- og prisvekst på 2,6% som kan ta høgde for det som ev ikkje var godt nok utgreidd i etableringsfasen. Framover bør IKLV legges til grunn eit budsjett i samsvar med ordinær vekst.

Framlegget må koma kommunane i hende før budsjettbehandlinga i desembermøtet.